


历代小说笔记选

(汉魏六朝)





历代
说笔记选

(汉魏六朝)



历代小说笔记选(汉魏六朝)

江畚经 选编

*

广东人民出版社出版

(原出版者:商务印书馆香港分馆)

广东省新华书店发行

肇庆新华印刷厂印刷

787×1092毫米32开本 6.125印张 1插页 116,000字

1984年9月第1版 1984年9月第1次印刷

印数1—11,720册

书号 10111·1444 定价 0.89元

林序

江文伯詞手選自漢至今代小說筆記之屬得百三十種。馳書商定去取。並屬爲之序。中數種於所選不類。或確爲僞書者。似可刪。間有以類相及可補取者。如旣收入蜀記。則范成大之吳船錄。騷蠻錄。張祥河續騷蠻錄。亦可並列。既有老學庵筆記。則續筆記亦不宜略。老學庵續筆記傳本少見。說郛有之。旣修書報丈。乃爲序曰。小說始於漢。筆記始於唐。目錄家皆列諸子部。其實皆史書之支流也。班固稱『小說家者流。蓋出於稗官。街談巷語。道聽塗說者之所造也。』古史皆官書。稗官者小官之稱。小說之義。通於小史。其不謂之史者。漢志不立史名。戰國策太史公書皆附見於春秋。稗官之書旣與此不稱。故別之曰小說家耳。隋志乃分正史古史諸目。又創立雜史一類。委巷迂怪妄誕之說。亦備而存之。此類首列周書舊唐書經籍志。崇文總目等仍之。而漢書藝文志『虞初周說九百四十三篇』。張衡西京賦『小說九百。本自虞初』。漢書郊祀志『武帝太初元年是歲西伐大宛。蝗大起。雒陽虞初等以方祠詛匈奴大宛焉。』虞初蓋方士者流。小說家喜言怪異。或源於此。應劭曰『其說以周書爲本』。今人劉咸炘校讎述林『周書七十一篇。論者紛然。吾從莊述祖之說而更詳之。定爲周史記。古傳記及子家述古三類之合成。』虞初小說卽周說。其說本於周書。隋志列周書於雜史。則小說獨不可入雜史類耶。劉咸炘續校讎通義極言雜史體例綦嚴。凡掌故傳記小說之類。皆非其倫。然終無以解於隋志雜史門之收王嘉拾遺記呂布本事諸書。至於札記隨筆之作。上文統稱筆記。劉氏以謂『自有此類。而子史二部皆亂不別之於外。』

編。四部難理也。其中有較純者。意存考證。別爲一目。意主記事。可入傳記。在乎善別擇而已。』語亦見續校讎通義。然則筆記之以記事爲主者。固仍於史部爲近耳。丈自序此編。以唐李肇國史補體例爲法。凡語涉報應鬼神等則去之。肇書蓋兼小說筆記兩體。而觀其命名。則固以補史爲志。直齋書錄解題國史補卽入雜史類。自昔史家。不廢說部。如後漢書採干寶搜神記。應劭風俗通。晉書採裴榮期語林。劉義慶世說。幽明錄。劉敬昇異苑諸書。司馬光與劉恕書稱。『今因修南北朝通鑑。乃知李延壽之書。亦近世之佳史也。雖於祿祥談嘲小事。無所不載。然敘事簡徑。比於南北正史。無煩冗蕪穢之辭。』夫史之爲義。有與奪焉。有褒貶焉。有鑒誡焉。有諷刺焉。語見劉知幾史通。自敘說部語雖揚厲。而志在勸懲。史乘所錄。將以示後。固不徒使讀之者爲之解頤。聞之者爲之拊掌也。至如范鎮東齋記事。以蔡襄身爲蛇精。孔平仲談苑。記張士遜死入地獄。似茲詭越之詞。自非良直所取。則此編之嚴汰荒誕神異諸說。其廓清摧陷之功。豈惟說部之諍臣。抑亦史家之良輔。以視坊間稗販成編。蕪雜無例者。詎可同年而語。誠未容以委巷小辯流俗短書視之也。民國二十二年八月閩縣林志鈞

自序

唐李肇國史補序云。語報應。序鬼神。述夢卜。近帷箔。悉去之。紀事實。探物理。辨疑惑。示勸戒。探風俗。助談笑。則書之。歐陽修歸田錄。以肇爲法。往者余傭書商務印書館。嘗副東方圖書館館職。每閱前人筆記。竊師二公之意。謬事去。取得一百三十種。顏曰精選歷代名人筆記。排校甫竣。乃以上海戰事商務印書館被焚。原稿與清樣悉付灰燼。而東方圖書館亦成瓦礫之所。頻年所假手以徵集古今之遺聞軼事者。至是乃全失其根據。去夏歸里。于役閩江。公暇間於省會圖書館烏山圖書館借閱圖籍。恍惚前稿。印象猶留腦際。則復從而輯之。益以鄉里前哲遺文。私家抄本。及篋中所存涵芬樓祕笈若干種。合以前稿所補錄者。凡二百種。改名歷代小說筆記選。每與林仲樞先生往返函札。商榷刪存。仲樞之弟志錄君。適在省圖書館服務。爲余探討藏書。精詳無漏。崑山胡君文楷。舊與同事。貽書贊助。願預校讐。編次既竟。私幸前稿不至淹滅。而後之所得。比前輯乃增七十種。然終未敢濫爲搜錄也。生平深慨稗官小說。多載神鬼荒唐。及一切迷信報應之說。錮人神智。流毒社會。是輯紀載。悉本此旨。嚴加刪汰。及讀歸田錄。援引李肇國史補序語。則益自信此旨之不謬於前賢矣。至於殊方異俗。奇聞軼事。凡足廣後賢之耳目。引讀者之趣味者。則仍博取無遺。其於肇之所云。紀事實。探物理。辨疑惑。示勸戒。探風俗。助談笑者。或有當也夫。

民國二十三年三月閩侯江畚經

歷代小說筆記選目次

漢魏六朝

神異經 五十二則

海內十洲記 全

別國洞冥記 全

笑林 十六則

高士傳 十則

博物志 九十八則

西京雜記 五十三則

搜神記 十三則

拾遺記 四十七則

搜神後記 二十二則

佛國記 全

齊諧記 五則

目次

漢 東方朔

東方朔

郭憲

魏 邯鄲淳

晉 皇甫謐

張華

葛洪

干寶

王嘉

陶潛

釋法顯

宋 東陽無疑

歷代小說筆記選 漢魏六朝

異苑 五則

世說新語 二百二十三則

述異記 九十則

續齊諧 六則

荆楚歲時記 全

二

劉敬叔

劉義慶

梁任昉

吳均

北齊宗懷

歷代小說筆記選

漢魏六朝

神異經

漢東方朔

東荒經

東方有人焉。男皆朱衣縞帶元冠。女皆采衣。男女便轉可愛。恒恭坐而不相犯。相譽而不相毀。見人有患。投死救之名曰善人。一名敬。一名美。不妄言。嘿嘿然而笑。倉卒見之如癡。

東方荒外有豫章焉。此樹主九州。其高千丈。圍百尺。本上三百丈。本如有條枝。敷張如帳。上有玄狐黑猿。枝主一州。南北並列。面向西南。有九方士操斧伐之。以占九州吉凶。斫之復生。其州有福。創者州伯有病。穢穢不復者其州滅之。

東方有桑樹焉。高八十丈。敷張自輔。其葉長一丈。廣六七尺。其上有蠶作繭。長三尺。縲一繭得絲一斤。有椹焉。長三尺五寸。

東方有樹高五十丈。葉長八尺。其子徑三尺二寸。和核羹食之。令人益壽。食核中仁。可以治嗽。小桃溫潤。嘸嗽人食之即止。

東海之外荒海中有山。焦炎而峙。高深莫測。蓋稟至陽之爲質也。海中激浪投其上。噲然而盡。計其晝夜。

喻攝無極。若熬鼎受其洒汁耳。

大荒之東。極至鬼府山。臂沃椒山脚。巨洋海中。昇載海日。蓋扶桑山有玉雞。玉雞鳴則金雞鳴。金雞鳴則石雞鳴。石雞鳴。則天下之雞悉鳴。潮水應之矣。

東方荒中有木。名曰栗。其殼徑三尺三寸。殼刺長丈餘。實徑三尺。殼亦黃。其味甜食之。多令人短氣而渴。東方裔外有建山。其上多橘柚。

東南荒經

東南方有人焉。周行天下。身長七丈。腹圍如其長。頭戴雞父。雙頭。朱衣縞帶。以赤蛇繞額。尾合于頭。不飲不食。

東南荒中有邪木。高三千丈。或十餘圍。或七八尺。其枝喬直上。不可郤也。葉如甘瓜。二百歲。葉落而生花。花形如甘瓜。花復二百歲。落盡而生萼。萼下生子。三歲而成熟。成熟之後。不長不減。子形如寒瓜。長七八寸。徑四五寸。萼復覆生頂。此不取。萬世如故。若取子而留萼。萼復生子。復二年。則成萼而復生子。其子形如甘瓢。食之。令人身澤。不可過三升。令人冥醉。木高人取不能得。唯木下有多羅之人。緣能得之。一名無葉。世人後生不見葉。故謂之無葉也。一名倚驕。

東南隅太荒之中。有樸父焉。夫婦並高千里。腹圍自輔天。初立時。使其夫妻導開百川。嬾不用意。謫之並立。東南男露其勢。女露其牝。不飲不食。不畏寒暑。惟飲天露。須黃河清。當復使其夫婦導護百川。古者初立此人。開導河。河或深或淺。或隘或塞。故禹更治。使其水不壅。天責其夫妻倚而立之。若黃河清者。則河

海絕流，水自清矣。

東南海中有烜州，州有溫湖，鮒魚生焉。其長八尺，食之宜暑而避風寒。

東南有石井，其方百丈，上有二石闕，俠東南面上，有蹲熊，有榜著闕，曰地戶。

南荒經

南方有犬人，面鳥喙而有翼，手足扶翼而行，食海中魚，有翼不足以飛。一名鵬兜，書曰：「放鵬兜于崇山。」一名驩兜，爲人很惡，不畏風雨，禽獸犯死乃休耳。

南方有人，長二三尺，袒身而目在頂上，走行如風，名曰魑，所之國大旱，一名格子，善行市朝衆中，遇之者投著廁中乃死。旱災消，詩曰：「早魃爲虐。」或曰：「生捕得殺之，禍去福來。」

南荒外有火山，其中生不盡之木，晝夜火燃，得暴風不猛，猛雨不滅。

南方大荒之中有樹焉，名曰粗稼，樞者粗梨也，稼者秩稼也，樞親曜也。三千歲作華，九千歲作實，其花蕊紫色，其實赤色，其高百丈或千丈也，敷張自輔，東西南北方枝各近五十丈，葉長七尺，廣五尺，色如綠青木皮如梓樹，理如甘草，味飴，實長九尺，圍如其長，而無飄核，以竹刀剖之，如凝蜜，得食復見，實即滅矣。言復見後實熟者，壽一萬二千歲。

南方大荒有樹焉，名曰如何，三百歲作華，九百歲作實，華色朱，其實正黃，高五十丈，敷張如蓋，葉長一丈，廣二尺餘，似管苧，色青，厚五分，可以絮，如厚朴，材理如支，九子，味如飴，實有核，長五尺，圍如長金刀剖之，則酸，蘆刀剖之則辛，不畏水火，不畏白刃。

南方荒中有涕竹。長數百丈。圍三丈六尺。厚八九寸。可以爲船。其笋甚美。食之可以止瘡癩。南方有拊蠟之林。其高百丈。圍三尺八寸。促節多汁。甜如蜜。昨嚼其汁。令人潤澤。可以節蛇虫。人腹中蛇虫。其狀如蚓。此消穀虫也。多則傷人。少則穀不消。是甘蔗能滅多益少。凡蔗亦然。不盡木火中有鼠。重千斤。毛長二尺餘。細如絲。但居火中洞赤。時時出外而毛白。以水逐而沃之。即死。取其毛。績紡織以爲布。用之若有垢穢。以火燒之。則淨。

南方蚊翼下有小飛虫焉。目明者見之。每生九卵。復未嘗有穀。復成九子。蜚而復去。蚊遂不知。亦食人及百獸。食者知言虫。小食人不去也。此虫既細。且小。因曰細蟻。此虫常春生。以季夏藏於鹿耳中。名嬰覬。南方有獸似鹿而豕首。有牙。善依人求五穀。名無損之獸。人割取其肉。不病。肉復自復。其肉惟可作鮮。使糲肥美。而昨肉不壞。吞之不入。糲盡更添肉。復作鮮。名曰不盡鮮也。

南荒之外。有火山。長四十里。廣五十里。其中皆生不燼之木。火鼠生其中。南方有銀山。長五十里。高百餘丈。悉是白銀。

西南荒經

西南大荒中有人。長一丈。腹圍九尺。踐龜蛇。戴朱鳥。左手憑白虎。知河海水斗斛。識山石多少。知天下鳥獸言語。土地人民所道。知百穀可食。識草木鹹苦。名曰聖。一名哲。一名賢。一名無不達。凡人見而拜之。令人神智。此人爲天下聖人也。一名先通。

西南方有人焉。身多毛。頭上戴豕。食如狼。好自積貯而不食人穀。彊者奪老。弱者畏羣而擊單。名曰饕餮。

春秋言饕餮者，縉雲氏之子也。一名貪惓，一名彊奪，一名凌弱。西南荒中出訛獸，其狀若猿，人面能言，常欺人，言東而西，言惡而善，其肉美，食之言不真矣。一名誑。

西荒經

崑崙西有獸焉，其狀如犬，長毛四足，似熊而無爪，有目而不見，行不開，有耳而不聞，有人知往，有腹無五臟，有腸直而不旋，食物徑過，人有德行而往，祇觸之，有凶德則往，依憑之，天使其然，名爲渾沌。春秋云：渾沌帝鴻氏不才也，空居無爲，常咋其尾，回轉仰天而笑。

西方荒中有獸焉，其狀如虎而犬毛，長二尺，尾長一丈八尺，攪亂荒中，名檮杌，一名傲很，一名難訓。春秋顯瓊氏有不才子，名檮杌是也，有人面目手足皆人形，而胷下有翼，不能飛，爲人饕餮，淫逸無理，名曰苗民。春秋所謂三苗，書云：「竄三苗於三危。」

西荒之中有人焉，長短如人，著百結敗衣，手虎爪，名曰獫狁，伺人獨行，輒食人腦，或舌出盤地丈餘，人先聞其聲，燒火石以投其舌，乃氣絕而死，不然，食人腦矣。

西方日宮之外有山焉，其長十餘里，廣二三里，高百餘丈，皆大黃之金，其色殊美，不雜土石，不生草木，上有金人，高五丈餘，皆純金，名曰金犀，入山下一丈有銀，又一丈有錫，又入一丈有丹陽銅，似金可煨，淮南子術曰：餌丹陽之爲金是也。

西荒中有獸如虎，豪長三尺，人面虎足，口牙一丈八尺，人或食之，獸鬥終不退怯，唯死而已。荒中人張捕之，復黠逆知一名倒壽。

西方深山中有人焉。身長尺餘。袒身捕蝦蟹。性不畏人。見人止宿。暮依其火以炙蝦蟹。伺人不在而盜人鹽以食蝦蟹。在深山臊其音自叫。人嘗以竹著火中爆州而出。臊皆驚懼。犯之令人寒熱。此雖人形而變化。然亦鬼魅之類。今所在山中皆有之。

西海水上有人乘白馬。朱鬣白衣玄冠。從十二童子馳馬西海水上。如飛如風。名曰河北使者。或時上岸馬跡所及。水至其處。所之之國雨水滂沱。暮則還河。

西海之外有鵠國焉。男女皆長七寸。爲人自然有禮。其人皆壽三百歲。其行如飛。日行千里。百物不敢犯之。惟畏海鵠。過輒吞之。亦壽三百歲。此人在鵠腹中不死。而鵠一舉千里。

西方山中有蛇。頭尾差大有色。五彩入物觸之者。中頭則尾至。中尾則頭至。中腰則頭尾並至。名曰率然。茂先註云。會稽常山最多此蛇。孫子兵法三軍勢如率然者是也。

西北荒經

西北有獸焉。狀似虎。有翼能飛。使勦食人。知人言語。聞人鬥。輒食直者。聞人忠信。輒食其鼻。聞人惡逆。不善。輒食獸往饋之名曰窮奇。亦食諸禽獸也。

西北荒有人焉。人面朱髮。跣身。人手足而食五穀。禽獸貪惡愚頑。名曰共工。書流共工於幽州。幽州北裔也。而此言西北方相近也。皆西裔之族耳。

西北荒中有玉饋之酒。酒泉注焉。廣一丈。長深三丈。酒美如肉。澄清如鏡。上有玉尊玉簋。取一尊。一尊復生焉。與天同休。無乾時。石邊有肺焉。味如驪鹿肺。飲此酒。人不生死。一名遺酒。其肺名曰追復。食一片復

一片。

西北荒中有二金闕。高百丈。金闕銀盤。圓五十丈。二闕相去百丈。上有明月珠。徑三丈。光照千里。中有金階。西北入兩闕中。名曰天門。

西北荒中有小人。長一分。其君朱衣玄冠。乘輅車馬。居人遇其乘車。抓而食之。其味辛。終年不爲物所咋。并識萬物名字。又殺腹中三虫。三虫死。便可食仙藥也。

西北海外。有人長二千里。兩脚中間相去千里。腹圍一千六百里。但日飲天酒五斗。不食五穀魚肉。忽有飢時。向天仍飲。好遊山海間。不犯百姓。不干萬物。與天地同生。名曰無路之人。一名仁。一名信。一名神。

北方荒經

北方荒中有棗林。高五十丈。敷張枝條數里餘。疾風不能偃。雷電不能摧。其子長六七寸。圍過其長。熟赤如朱。乾之不縮。氣味潤澤。食之可以安軀。益於氣力。赤松子云。「北方大棗。味有殊。既可益氣。又安軀。」北方荒中有石湖。方千里。岸深五丈餘。恒冰。唯夏至左右五六十日解耳。湖有橫公魚。長七八尺。形如鯉而赤。晝在水中。夜化爲人。刺之不入。煮之不死。以鳥枚二枚煮之。則死。食之可止邪病。其湖無凸凹。平滿無高下。

北方層冰萬里。厚百丈。有磬鼠在冰下土中焉。形如鼠。食草木肉。重千金。可以作脯。食之已熱。其毛八尺。可以爲褥。臥之却寒。其皮可以蒙鼓。聞千里。其毛可以來鼠。此毛所在。鼠輒聚焉。

北海有大鳥。其高千尺。頭紋曰天胸。又曰候。左翼文曰鷺。右翼文曰勒。頭向東。正海中央捕魚。或時舉翼。

而飛其羽相切如風雷也。

東北荒經

東北荒中有木高四十丈葉長五尺廣三尺名曰栗其實徑三尺二寸其殼赤其肉黃白味甜食之令人短氣而渴。

中荒經

崑崙之山有銅柱焉其高入天所謂天柱也圍三千里周圍如削下有回房方百丈上有大鳥名曰希有背上小處無羽一萬九千里西王母歲登翼上會東王公也故其柱銘曰「崑崙銅柱其高入天圓周如削膚體美焉」其鳥銘曰「有鳥希有碌赤煌煌不鳴不食東覆東王公西覆西王母王母欲東登之自通陰陽相須唯會益工」

九府玉童玉女與天地同休息男女無爲匹配張茂先曰「言不爲夫妻也」男女名曰玉人。

東方有宮青石爲牆高三仞左右闕高百尺畫以五色門有銀榜題曰天地長男之宮西方有宮白石爲牆五色玄黃門有金榜而銀鏤題曰天地少女之宮中央有宮以金爲牆門有金榜以銀鏤題曰天皇之宮南方有宮以赤石爲牆赤銅爲門闕有銀榜題曰天皇中女之宮北方有宮以黑石爲牆題曰天地中男之宮東南有宮黃石爲牆黃榜碧鏤題曰天地少男之宮西北有宮黃銅爲牆題曰地皇之宮

南方有獸焉角足大小形狀如水牛皮毛黑如漆食鐵飲水其糞可爲兵器。

北方有獸焉其狀如獅子食人吹人則病名曰獺恒近人村里入人居室百姓患苦。

西方深山有獸焉。面目手足毛色如猴。體大如驢。善緣高木。皆雌無雄。名綱。順人。三合而有子。要路彊牽。男人將上絕塚之上。取菓並竊五穀食。更合三畢而定。十月乃生。不孝鳥狀如人身犬毛。有齒。豬牙。額上有文曰不孝。口下有文曰不慈。鳥上有文曰不道。左脅有文曰愛。夫右脅有文曰憐婦。故天立此異畀以顯忠孝也。